

Cymorth Ariannol a Gwobrau

Ysgoloriaethau a Bwsariaethau ar gyfer myfyrwyr
sy'n dechrau eu hastudiaethau yn 2020



THE  TIMES
THE SUNDAY TIMES
**CANLLAW
PRIFYSGOLION
DA
2019**

PRIFYSGOL
Y FLWYDDYN AR
GYFER ANSAWDD
Y DYSGU

Cyflwyniad

Gall astudio yn y brifysgol fod yn brofiad trawsnewidiol wrth i'ch dealltwriaeth o'ch pwnc ddyfnhau, ac wrth i chi wneud darganfyddiadau newydd a chwrdd â ffrindiau am oes. I nifer o fyfyrwyr, mae hefyd yn gyfnod o ddysgu byw'n annibynnol a rheoli cyllidebau.

Yn Aberystwyth rydym yn deall goblygiadau ariannol addysg uwch. Diolch i gefnogaeth hael cyn-fyfyrwyr a chyfeillion, rydym wedi gallu cynnig ysgoloriaethau ers 125 o flynyddoedd a mwy ac rydym yr un mor ymroddedig ag erioed i gefnogi ein myfyrwyr. Dyna'r rheswm dros roi pecyn hael o wobrau at ei gilydd a all eich helpu â chostau byw o ddydd i ddydd.

Nid ydym yn cyfyngu ar y nifer o wobrau y gallwch eu derbyn - cyn belled â'ch bod yn bodloni'r meini prawf, gallwch ddal sawl gwobr. Golyga hyn y gallwch gyfuno amrywiaeth o wobrau i wneud eich pecyn ariannol yn fwy gwerthfawr.

Mae gennym amrywiaeth o ysgoloriaethau a bwrsariaethau i fodloni gofynion pawb - a'r newyddion da yw, yn wahanol i fenthyciad myfyriwr, nid oes raid i chi dalu'r arian yn ôl. Mae gwobrau ac ysgoloriaethau i wobrwyo rhagoriaeth academiaidd, bwrsariaethau i gynorthwyo myfyrwyr o gefndiroedd gadael gofal, gwobrau ar gyfer doniau chwaraeon a cherddorol, a chymhelliannau i astudio drwy gyfrwng y Gymraeg.

Darganfyddwch a allech chi fanteisio o un neu fwy o'n gwobrau. Darllenwch drwy'r llyfryn i gael rhagor o wybodaeth a chysylltwch os oes gennych unrhyw gwestiynau.

Yr Athro Elizabeth Treasure
Is-Ganghellor



CYNNWYS

Arholiadau Mynediad – Ysgoloriaethau a Gwobrau Teilyngdod

(cyfle i ennill hyd at £2,000 y flwyddyn drwy sefyll 2 arholiad yn y mis Ionawr cyn dechrau yn Aberystwyth) 4-10

Ysgoloriaethau Rhagoriaeth Academiaidd

(£2,000 i ymgeiswyr sy'n rhagori yn eu hastudiaethau cyn dechrau yn y Brifysgol) 11

Bwrsariaethau Rashid Domingo

(£12,000 i ymgeiswyr o Gymru sy'n gwneud cais i astudio yn yr Adran Ffiseg neu IBERS) 12

Ysgoloriaeth Emily Price

(£500 ar gyfer ymgeiswyr benywaidd ar gyfer Mathemateg/Ffiseg) 12

Gwobrau Adrannol

(£250 - £500 y flwyddyn ar gyfer ymgeiswyr i'r Adrannau Cyfrifiadureg, Mathemateg a Ffiseg) 13

Ysgoloriaethau Chwaraeon

(£500 y flwyddyn a manteision eraill, ar gyfer unrhyw gynllun gradd) 14

Gwobrau Teilyngdod Chwaraeon

(£500 i fyfyrwyr cyfredol sy'n rhagori mewn chwaraeon) 15

Ysgoloriaethau Pêl-droed Prifysgol Aberystwyth/Tref Aberystwyth

(£4,000 y flwyddyn a manteision ychwanegol ar gyfer chwaraewyr pêl-droed gwrywaidd) 15

Ysgoloriaethau Cerdd

(£650 y flwyddyn a manteision eraill) 16-17

Bwrsariaethau i'r rhai sy'n Gadael Gofal, Gofalwyr Ifanc a grwpiau cysylltiedig

(hyd at £1,500 y flwyddyn) 18-19

Ysgoloriaethau Astudio trwy'r Gymraeg

(hyd at £250 y flwyddyn ar gyfer astudio eich cwrs, neu ran o'ch cwrs, drwy gyfrwng y Gymraeg) 20

Ysgoloriaethau'r Coleg Cymraeg Cenedlaethol

(Ysgoloriaethau ychwanegol am astudio drwy gyfrwng y Gymraeg) 21

Grant Cymdeithas y Cyn-fyfyrwyr

(hyd at £1,500 ar gyfer ymgeiswyr o ardal Dde-ddwyrain Cymru) 22

Cyflogaeth a Chymorth Ychwanegol

(GwaithAber a'r Gwasanaeth Cyngor, Gwybodaeth ac Arian) 23

Gwybodaeth Bwysig i'w Nodi

..... 25

Ysgoloriaethau, Bwrsariaethau a Gwobrau 2020

Trosolwg 26-27

Marchnata a Denu Myfyrwyr

Adeilad Cledwyn, Campws Penglais, Prifysgol Aberystwyth, Aberystwyth, Ceredigion. SY23 3DD.
Ffôn: (01970) 622065 • E-bost: ysgoloriaethau@aber.ac.uk • Gwefan: www.aber.ac.uk/ysgoloriaethau

Arholiadau Mynediad:

Ysgoloriaethau a Gwobrau Teilyngdod

Mae gennym hanes hir o gynnig Ysgoloriaethau yn Aberystwyth. Mae cyfle i elwa drwy sefyll dau arholiad.

Beth yw'r Arholiadau Mynediad?

Mae Ysgoloriaethau Mynediad a Gwobrau Teilyngdod yn agored i ymgeiswyr ar gyfer unrhyw gynllun gradd yn Aberystwyth. Bydd yn rhaid i chi sefyll **DAU** arholiad o blith y pynciau a gynigiwn. Mae pob arholiad yn para awr a hanner. Caiff yr arholiadau eu gosod a'u marcio gan ein hadrannau academiaidd, ac felly nid ydynt yn dilyn maes llafur penodol, ond dylai'r safon fod tua'r un safon ag arholiadau Safon Uwch.

1. Ysgoloriaethau Cyfadrn

– £2,000 y flwyddyn

Mae 20 Ysgoloriaeth Cyfadrn ar gael, sy'n werth £2,000 y flwyddyn, ynghyd â gwarant o lety yn eiddo'r Brifysgol gydol y cwrs* (gweler hefyd rhif 4 isod). Ein cyfadrannau academiaidd sy'n clustnodi'r gwobrau hyn ar sail perfformiad rhagorol yn yr Arholiadau Mynediad.

3. Gwobrau Teilyngdod

– £1,000 yn y flwyddyn gyntaf

Rydym yn cynnig tua 250 o Wobrau Teilyngdod bob blwyddyn i fyfyrwyr sy'n gwneud yn dda yn yr arholiadau ond yn methu o drwch blewyn â chael Ysgoloriaeth. Bydd deiliaid Gwobrau Teilyngdod yn derbyn £1,000 yn ystod eu blwyddyn gyntaf. Gweler hefyd rhif 4 isod.

2. Ysgoloriaethau'r Brifysgol

– £1,000 y flwyddyn

Mae gennym 50 o Ysgoloriaethau'r Brifysgol i'w dyfarnu i'r ymgeiswyr sy'n cael y marciau cyfunol uchaf yn y ddau bapur arholiad. Bydd ymgeiswyr llwyddiannus yn derbyn £1,000 ym mhob blwyddyn o'u cwrs. Mae enillwyr yr Ysgoloriaethau hyn hefyd yn cael gwarant o lety yn eiddo'r Brifysgol gydol eu cwrs*. Gweler hefyd rhif 4 isod.

4. Cynigion Diamod

Gall perfformiad cryf yn yr Arholiadau Mynediad arwain at y Brifysgol yn cadarnhau eich lle heb amodau pellach, gan arwain at gynnig UCAS diamod.

Mae'n bosib bydd rhai ymgeiswyr nad ydynt yn derbyn gwobr yn cael cynnig diamod ar sail perfformiad cryf yr arholiadau.

Noder mai un wobwr yn unig y gallwch ei derbyn o ganlyniad i sefyll arholiadau'r Ysgoloriaeth Mynediad.

** Er mwyn sicrhau eich gwarant o le yn un o neuaddau'r Brifysgol, rhaid i chi wneud cais am lety yn y flwyddyn academiaidd nesaf erbyn y dyddiad a hysbysebir gan y Swyddfa Llety ar gyfer myfyrwyr sy'n dychwelyd.*

Pynciau Arholiad

Rhaid sefyll yr Arholiadau Mynediad mewn dau o'r pynciau canlynol. Os na nodir yn wahanol, fe fydd cwpas yr arholiad yn debyg i'r hyn a geir yn arholiadau Safon Uwch, ond nid ydynt yn dilyn unrhyw faes llafur penodol. Mae'n bwysig sicrhau fod y pynciau'n berthnasol i'r cynllun gradd a dewiswyd.

Gweler adran 'Strwythur yr Arholiadau a Chyn Papurau' ar dudalennau gwe'r ysgoloriaethau ar gyfer gwybodaeth bellach ar gynnwys pob papur, ac i edrych ar gyn papurau arholiad:

www.aber.ac.uk/ysgoloriaethau/papurau

Addysg ac Astudiaethau Plentynod

Almaeneg

Amaethyddiaeth a Chefn Gwlad

Astudiaethau Ffilm a Theledu

Bioleg 1: Moleciwlau i Organau

Bioleg 2: Micro-Organebau i Ecosystemau

Busnes a Rheolaeth

Celf - Portffolio

Cemeg

Cyfrifeg

Cyfrifiadureg

Cymdeithaseg

Cymraeg (laith Fodern)

Cymraeg (laith Gyntaf)

Daeareg

Daearyddiaeth Ddynol

Daearyddiaeth Ffisegol

Drama ac Astudiaethau Theatr

Economeg

Ffiseg

Ffrangeg

Gwleidyddiaeth

Gwleidyddiaeth Ryngwladol

Gwyddor Anifeiliaid a Cheffylau

Gwyddor Chwaraeon ac Ymarfer Corff

Gwyddor yr Amgylchedd

Hanes Celf

Hanes - Ynysoedd Prydain

Hanes - Ewrop ac America

Mathemateg

Mathemateg Bellach

Saesneg: Llenyddiaeth

Sbaeneg

Seicoleg

Technoleg Gwybodaeth

Troseddeg

Twristiaeth

Y Gyfraith

Ysgrifennu Creadigol (yn Saesneg)

Sylwer: Cyn 2017 roedd yr arholiadau'n para 2 awr, ac mae'n bosib bydd fformat y papurau wedi newid o 2017 ymlaen.

Dyddiad yr Arholiadau

Cynhelir yr arholiadau **ddydd Mawrth, 28 Ionawr 2020**. Bydd ymgeiswyr yn sefyll un papur yn ystod sesiwn y bore a'r llall yn ystod sesiwn y prynhawn. Mae amserlen yr arholiadau ar gael ar y wefan:

www.aber.ac.uk/ysgoloriaethau/amserlen

Os yw'r ddau bwnc wedi'u hamserlennu ar gyfer yr un sesiwn byddwch yn eistedd un o'r papurau yn y bore a'r papur arall yn y prynhawn. Yn anffodus, **NI** fydd ymgeiswyr yn gallu sefyll yr arholiadau ar unrhyw ddiwrnod arall.

Mae'n **bosib** bydd y Brifysgol yn cynnig cyfle ychwanegol yn hwyrach yn y flwyddyn.

Pa bynciau ddylen i eu dewis?

Er mwyn cael eich ystyried ar gyfer gwobr a/neu gynnig diamod mae'n bwysig dewis papurau arholiad sy'n dderbyniol i'r adran(nau) yr ydych wedi gwneud cais i astudio ynddi. Eich cyfrifoldeb chi yw sicrhau eich bod wedi dewis pynciau derbyniol. Gweler y gwefan hefyd am fanylion pwysig ar gynnwys papurau arholiad unigol: www.aber.ac.uk/ysgoloriaethau

Enw'r Adran	
Addysg	Mae'r papur arholiad yn addas ar gyfer ymgeiswyr sy'n astudio ar gyfer cymhwyster Addysg a'r rheiny sy'n ymddiddori yn y pwnc. Er bod ymgeiswyr i'r Adran yn cael eu hannog i ystyried dewis y papur hwn, mae unrhyw gyfuniad o bynciau yn dderbyniol.
Astudiaethau Theatr, Ffilm a Theledu	Disgwylir i ymgeiswyr ar gyfer cwrs sengl neu gydanrhydedd mewn Drama ac Astudiaethau Theatr sefyll y papur <i>Drama ac Astudiaethau Theatr</i> ar gyfer un o'u dewisiadau. Disgwylir i ymgeiswyr ar gyfer cwrs sengl neu gydanrhydedd mewn Astudiaethau Ffilm a Theledu sefyll y papur arholiad <i>Ffilm a Theledu</i> ar gyfer un o'u dewisiadau.
Celf	Os yw ymgeisydd yn ymgeisio am gynllun gradd sy'n cynnwys Celfyddyd Gain - er enghraifft, cydanrhydedd mewn Hanes Celf a Chelfyddyd Gain - rhaid cyflwyno Portffolio o'i (g)waith celf fel un o'i b/phynciau Ysgoloriaethau Mynediad.
Cyfrifiadureg	Rhaid i ymgeiswyr sydd wedi gwneud cais am gwrs sy'n cynnwys Cyfrifiadureg sefyll o leiaf un o'r papurau <i>Cyfrifiadureg neu Dechnoleg Gwybodaeth</i> .
Daearyddiaeth a Gwyddorau Daear	Disgwylir i ymgeiswyr i'r Adran Daearyddiaeth a Gwyddorau Daear sefyll o leiaf un o'r papurau <i>Daearyddiaeth Ffisegol, Daearyddiaeth Ddynol, neu Ddaeareg</i> .
Ffiseg	Rhaid i ymgeiswyr ysgoloriaeth sy'n bwriadu astudio Ffiseg sefyll y papur <i>Ffiseg</i> ar gyfer un o'u dewisiadau. Os yw ymgeiswyr yn astudio Mathemateg Safon Uwch gellir dewis unrhyw bwnc arall ar gyfer yr ail bapur. Fodd bynnag, dylai ymgeiswyr nad ydynt yn astudio Mathemateg Safon Uwch ddewis Mathemateg ar gyfer yr ail bapur.
Gwleidyddiaeth Ryngwladol	Gofynnir i ymgeiswyr i'r Adran Gwleidyddiaeth Ryngwladol sefyll o leiaf un o'r papurau a gynigiwn: <i>Gwleidyddiaeth a Gwleidyddiaeth Ryngwladol</i> . Er bod ymgeiswyr yn cael eu hannog i ystyried sefyll y ddau bapur, gellir dewis sefyll un o'r papurau hyn ac unrhyw bwnc arall.
Gwyddorau Biolegol, Amgylcheddol a Gwledig (IBERS)	Dylai ymgeiswyr ddewis o leiaf un papur arholiad sy'n ymwneud yn uniongyrchol â'r cwrs y maen nhw'n gwneud cais ar ei gyfer. Os yw ymgeiswyr yn ansicr ynghylch eu dewisiadau, gallant gysylltu â thîm derbyniadau IBERS ar ibers-admissions@aber.ac.uk am gyfarwyddyd.

Enw'r Adran	
Hanes a Hanes Cymru	Gofynnir i ymgeiswyr i'r Adran Hanes a Hanes Cymru sefyll o leiaf un o'r papurau a gynigiwn: <i>Hanes – Ynysoedd Prydain</i> a <i>Hanes – Ewrop ac America</i> . Er bod ymgeiswyr yn cael eu hannog i ystyried sefyll y ddau bapur, gellir dewis sefyll un o'r papurau hyn ac unrhyw bwnc arall.
Ieithoedd Modern	Os yw ymgeiswyr yn astudio'r iaith fodern hyd at lefel Safon Uwch, disgwylir iddynt ddewis yr iaith honno ar gyfer un o'u dewisiadau.
Mathemateg	Rhaid i ymgeiswyr sydd wedi gwneud cais am gwrs sy'n cynnwys mathemateg* sefyll y papur <i>Mathemateg</i> ar gyfer un o'u dewisiadau. * Ceir restr o gyrsau sy'n cynnwys mathemateg ar-lein https://cyrsau.aber.ac.uk/subject/mathematics
Saesneg ac Ysgrifennu Creadigol	Disgwylir i ymgeiswyr i'r Adran Saesneg ac Ysgrifennu Creadigol sefyll un neu ddau o'r papurau a gynigiwn: <i>Creative Writing (in English)</i> ac <i>English Literature</i> . Er bod ymgeiswyr yn cael eu hannog i sefyll y ddau bapur, gellir dewis sefyll un o'r papurau hyn ac unrhyw bwnc arall.
Seicoleg	Er bod ymgeiswyr i'r Adran yn cael eu hannog i ystyried dewis y papur <i>Seicoleg</i> , mae unrhyw gyfuniad o bynciau yn dderbyniol.
Y Gyfraith	Er bod ymgeiswyr i Adran y Gyfraith a Throseddeg yn cael eu hannog i ystyried dewis papurau Y <i>Gyfraith / Troseddeg</i> , mae unrhyw gyfuniad o bapurau yn dderbyniol.
Y Gymraeg ac Astudiaethau Celtaidd	Gall y rheini sy am wneud cais i astudio Cymraeg ddewis un o ddau bapur ysgoloriaeth, sef naill ai bapur <i>Cymraeg iaith Fodern</i> yn achos myfyrwyr ail iaith, neu bapur <i>Cymraeg iaith Gyntaf</i> yn achos myfyrwyr iaith gyntaf.
Ysgol Fusnes	Er bod ymgeiswyr i'r Ysgol Fusnes yn cael eu hannog i ystyried dewis y papur ar gyfer y pwnc y maen nhw wedi gwneud cais ar ei gyfer, mae unrhyw gyfuniad o bynciau yn dderbyniol.

Sut i wneud cais

- Y dyddiad cau i wneud cais am gystadleuaeth yr Arholiadau Mynediad yw **18 Ionawr 2020** (rhaid i ymgeiswyr sydd am sefyll yr arholiadau y tu allan i'r DU wneud cais erbyn 15 Ionawr 2020). Cewch wneud cais ar-lein yn syml ac yn gyflym ar ein gwefan (os ydych yn byw yn y DU fel arfer), neu argraffu'r ffurflen gais, ei sganio, a'i hanfon atom drwy ebost.
- Cewch ebost gennym yn cadarnhau ein bod wedi derbyn eich ffurflen gais. Cysylltwch â ni os na fyddwch wedi cael cadarnhad drwy ebost o fewn 3 diwrnod gwaith ar ôl cyflwyno eich ffurflen. Mae'r gydnabyddiaeth hon yn brawf bod eich cais wedi dod i law, ac ni fydd modd i ni unioni unrhyw faterion yn ddiweddarach.

Trefniadau Penodol

Rhaid i ymgeiswyr a chanddynt ofynion arholi penodol ar gyfer eu harholiadau arferol yn yr ysgol (e.e. amser ychwanegol, defnyddio cyfrifiadur) gyflwyno llythyr/ebost gyda'u cais oddi wrth eu hysgol yn cadarnhau'r gofynion hynny. Mae hyn yn holl bwysig ar gyfer ymgeiswyr sy'n dod i'r Brifysgol i sefyll yr arholiadau. Fel arfer caiff ymgeiswyr cymwys 25% o amser ychwanegol, a'r un trefniadau ag yn eu harholiadau arferol yn yr ysgol.

Gweler ein polisi ar wneud addasiadau rhesymol ar gyfer ymgeiswyr sy'n sefyll yr Arholiadau Mynediad:

www.aber.ac.uk/mynediad-teilyngdod

Lle y cynhelir yr arholiadau

Os ydych yn byw yn y DU fel arfer, cewch ddewis sefyll yr arholiadau:

Naill ai ym Mhrifysgol Aberystwyth

Os bydd ymgeiswyr am ddod i Aberystwyth i sefyll yr arholiadau bydd angen iddynt wneud eu trefniadau teithio a llety eu hunain. Fodd bynnag, bydd modd i ni wneud cyfraniad ariannol tuag at eich trefniadau. Os byddwch



yn dewis sefyll yr arholiadau yn Aberystwyth byddwn yn anfon manylion llawn atoch maes o law.

Neu yn yr ysgol/ coleg

Os byddai'n well gennych sefyll yr arholiadau yn eich ysgol/ coleg mae croeso i chi wneud hynny, a bwrw bod eich Swyddog Arholiadau'n cadarnhau ei fod/eu bod yn fodlon gwneud y trefniadau angenrheidiol. **RHAID** i chi gael caniatâd y Swyddog Arholiadau cyn cyflwyno eich ffurflen gais.

Cyfrifoldeb yr **ymgeisydd** fydd cysylltu â'i Swyddog Arholiadau **CYN** diwrnod yr arholiadau i sicrhau bod y papurau arholiad cywir wedi dod i law a bod trefniadau priodol wedi'u gwneud (e.e. ynglŷn ag ystafell yr arholiad, goruchwyllo ac ati). Ni fydd modd unioni camgymeriadau a ddaw i sylw'r Brifysgol ar ôl amserlen yr arholiadau.

Os ydych yn byw y tu allan i'r DU fel arfer:

Y dyddiad cau i ymgeiswyr sydd am sefyll yr arholiadau y tu allan i'r DU yw 15 Ionawr 2020. Rhaid cwblhau ffurflen gais a'i bostio/e-bostio i ni (ni allwn dderbyn ceisiadau ar-lein oddi wrth ymgeiswyr o du allan Prydain). Nodwch NI dderbynnir ceisiadau hwyr.

Gellir sefyll yr Arholiadau Mynediad tu allan i'r DU:

1. Naill ai ar y cyd ag un o'n partneriaid yn Ewrop:
 - Bwlgaria (Sofia) - cysylltwch ag Integral: ivelkova@integral.bg
 - Estonia (Tallinn) - cysylltwch â Dream Foundation: estonia@dreamfoundation.eu
 - Gwlad Pwyl (Siedlce) - cysylltwch â Open Future School: estonia@dreamfoundation.eu
 - Gwlad Pwyl (Wroclaw) - cysylltwch â Brytanka: biuro@brytanka.com
 - Slofacia (Bratislava) - cysylltwch â Edukka (Scandinavian Study): roman@scandinavianstudy.com
2. Neu mewn ysgol/coleg sydd wedi'i ddilysu i gynnal cymwysterau Safon Uwch neu gymwysterau cyfatebol sydd wedi'u hachredu gan fwrdd arholi yn y DU. **Bydd yn rhaid i chi ddarparu tystiolaeth gyda'ch ffurflen gais fod eich ysgol/coleg yn gymwys. NI dderbynnir ceisiadau a ddaw i law heb y dystiolaeth hon.**

Cofiwch, fel myfyriwr o'r UE byddwch yn gymwys i gael cymorth ariannol tuag at gostau eich ffioedd dysgu wrth astudio yng Nghymru: www.studentfinancewales.co.uk

Rydym hefyd yn cynnig Ysgoloriaethau ar gyfer myfyrwyr rhyngwladol: www.aber.ac.uk/en/undergrad/scholarships/non-eu/

Ymgeiswyr Hŷn

Croesewir ceisiadau gan ymgeiswyr hŷn, ond sylwer na chaiff ymgeiswyr fod wedi bod yn fyfyrwr gradd yn unrhyw brifysgol am fwy nag un semester unrhyw bryd yn y gorffennol.

Gohirio Mynediad

Os ydych yn bwriadu gohirio eich cais i'r Brifysgol

cewch sefyll yr arholiadau a gohirio unrhyw ddyfarniad law yn llaw â'ch mynediad gohiredig i'r Brifysgol. Cewch hefyd ddewis sefyll yr arholiadau yn ystod eich blwyddyn allan.

Sylwer: Er bod yn rhaid i chi fod wedi gwneud cais i astudio ym Mhrifysgol Aberystwyth erbyn y dyddiad cau o 18 Ionawr, nid oes rhaid i chi gael cynnig gennym cyn i chi sefyll yr Arholiadau.

Canlyniadau

Caiff y canlyniadau eu hanfon drwy'r post i bob ymgeisydd a'u hysgol/coleg oddeutu 4 wythnos ar ôl yr arholiadau. Os cewch gynnig Ysgoloriaeth neu Wobr Teilyngdod, bydd angen i chi nodi Aberystwyth fel dewis cadarn drwy UCAS er mwyn derbyn y wobr (nodir yr unig eithriadau yn y Telerau ac Amodau ar y gwefan). Mae'r Brifysgol yn cyhoeddi manylion yr ymgeiswyr llwyddiannus ac enwau eu hysgolion/ colegau ar ei gwefan ac mewn cyhoeddiadau eraill o bryd i'w gilydd. Os nad yw ymgeiswyr am i'w henwau gael eu cyhoeddi, dylent sicrhau eu bod yn nodi hynny ar eu ffurflen gais.

Talu'r Gwobrau

Pan ddechreuwch eich cwrs yn y Brifysgol byddwn yn gofyn i chi nodi eich manylion banc ar eich Cofnod Myfyriwr. Telir eich arian yn syth i'ch banc drwy BACS mewn dau randaliad ym mhob blwyddyn gymwys - y cyntaf diwedd wythnos gyntaf mis Rhagfyr, a'r ail diwedd wythnos gyntaf mis Mawrth. Yn ystod y flwyddyn gyntaf yn unig y gwneir taliadau'r Gwobrau Teilyngdod. **Bydd taliadau'r Ysgoloriaethau Mynediad yn parhau ar gyfer pob blwyddyn gymwys o'ch cwrs a bwrw bod eich cyfradd bresenoldeb yn 70% o leiaf yn eich blwyddyn gyntaf (darlithoedd, seminarau, gweithdai, sesiynau ymarferol ac ati).**

Gwybodaeth ar gyfer Ysgolion a Cholegau

Ceir gwybodaeth i ysgolion a cholegau, gan gynnwys manylion y gweithdrefnau i'w dilyn mewn amgylchiadau arbennig (e.e. os oes raid i'r ysgol/coleg gau mewn tywydd garw) ar ein gwefan: www.aber.ac.uk/ysgoloriaethau/ysgolion

Anfonir papurau a deunyddiau'r arholiadau at y Swyddog Arholiadau enwebedig oddeutu wythnos cyn yr arholiadau.

Ni chodir tâl am sefyll yr Arholiadau Mynediad, ond ni fydd y Brifysgol yn gallu cyfrannu at unrhyw gostau goruchwyllo neu archebu ystafelloedd. Os mai dim ond un ymgeisydd sy'n sefyll yr arholiadau yn eich canolfan ni fydd yn rhaid i chi oruchwyllo'r ymgeisydd gydol yr arholiad (a bwrw bod yr ymgeisydd mewn ystafell/swyddfa ddiogel ac nad oes adnoddau'r we, llyfrau, deunyddiau cyfeirio, dyfeisiau symudol neu electronig ar gael yno). Bydd trefniadau arholiadau arferol yn berthnasol.

Cymwynaswyr

Mae modd i ni gynnig ein Hysgoloriaethau Mynediad drwy roddion hael nifer o gymwynaswyr dros y blynyddoedd. Mae cyfyngiadau ar rai gwobrau o ran pwy gaiff eu derbyn. Nid oes raid gwneud cais am Ysgoloriaeth benodol - os bydd eich canlyniadau'n ddigon uchel byddwn yn dyfarnu Ysgoloriaeth addas i chi. Fodd bynnag, dylech roi gwybod i ni os ydych chi'n fab i Weinidog Anghydfurfiol ac felly'n gymwys i gael eich ystyried am Ysgoloriaeth Goffa David Morgan Thomas o Caterham. Mae rhestr o'n cymwynaswyr a'r telerau a'r amodau sydd ynghlwm wrth wobrau unigol ar gael ar-lein. www.aber.ac.uk/ysgoloriaethau/rhodd

Gweler y wefan am Delerau ac Amodau llawn ar gyfer yr Arholiadau Mynediad: www.aber.ac.uk/entrance-merit



Ffion Evans

Daearyddiaeth

Gwobr Teilyngdod,

Ysgoloriaeth Rhagoriaeth

Academaidd, Ysgoloriaeth

Astudio Trwy'r Gymraeg

Llanybydder, Ceredigion

Dwi wedi bod yn ddigon ffodus i dderbyn sawl ysgoloriaeth. Rwyf yn hynod falch o gael derbyn yr arian sydd wedi bod yn help gyda chostau byw cyffredinol ac wedi fy ngalluogi i brynu deunyddiau addysgol. Roedd hi'n hawdd i ymgeisio am yr ysgoloriaethau ac mi fyddem yn annog unrhyw un i wneud hynny.



Aled Lewys Lloyd

Gwleidyddiaeth Ryngwladol/Hanes

Ysgoloriaeth Evan Morgan, Uwch

Ysgoloriaeth Astudio trwy'r Gymraeg

Cydweli, Sir Gâr

Roeddwn eisiau sefyll yr Arholiadau Mynediad i weld a oeddwn yn barod i'r Brifysgol neu os oedd angen paratoi mwy. Roedd hi'n hawdd ymgeisio ar-lein a fu'n werth chweil i mi wrth ennill Ysgoloriaeth Evan Morgan. Roeddwn yn bles iawn gan deimlo bod dyfodol newydd ar y ffin. Mae'r llwyddiant wedi helpu fy hyder ac mae'r arian wedi helpu gyda phrynu bwyd a chynnal bywyd cymdeithasol da.

Ysgoloriaeth Rhagoriaeth Academaidd

£2,000

Er mwyn gwobrwyo rhagoriaeth academaidd a gyflawnwyd cyn dechrau yn y Brifysgol, mae'n bleser gennym gynnig Ysgoloriaethau Rhagoriaeth Academaidd gwerth £2,000 yn y flwyddyn gyntaf o astudio i ymgeiswyr o'r DU/UE sy'n rhoi Prifysgol Aberystwyth fel dewis Cadarn drwy UCAS, cyn dyddiad cau UCAS, ac sy'n mynd ymlaen i gael:

- Graddau AAA yn yr arholiadau Safon Uwch*
- DDD yn y BTEC Diploma Estynedig Lefel 3
- 34 pwynt yn y Fagloriaeth Rhyngwladol
- Gweler tudalennau Ysgoloriaeth ar y wefan ar gyfer manylion ar gymwysterau ychwanegol.

Nid oes raid gwneud cais, bydd y gwobrau'n cael eu clustnodi'n awtomatig i'r myfyrwyr cymwys.

** Mae'n bosibl y derbynnir gradd A yn Niploma Uwch Bagloriaeth Cymru, a fydd yn cynnwys y Dystysgrif Her Sgiliau Uwch, yn lle un o'r graddau Safon Uwch.*



Elen Haf Roach

Cymraeg Proffesiynol

**Gwobr Teilyngdod,
Ysgoloriaeth Rhagoriaeth**

Academaidd

Hwlfordd, Sir Benfro

Er roedd yr Arholiadau Mynediad yn heriol, roeddynt yn ymarfer dda ar gyfer fy arholiadau Safon Uwch. Roeddwn yn teimlo anrhydedd mawr wrth ennill Gwobr Teilyngdod. Yna, oherwydd fy nghanlyniadau Safon Uwch, cefais Ysgoloriaeth Rhagoriaeth Academaidd hefyd - doedd dim angen hyd yn oed ymgeisio am yr ysgoloriaeth hon. Rwy'n defnyddio'r arian ar gyfer prynu gwerslyfrau ac ymuno mewn gweithgareddau UMCA.

Bwrsariaethau Rashid Domingo

hyd at £12,000

Mae Bwrsariaethau Rashid Domingo ar gael o ganlyniad i rodd hael gan y ddiweddar Mr Rashid Domingo i'r Brifysgol.

Ar ôl creu nifer o ysgoloriaethau a bwrsariaethau yn ei Dde Affrica frodorol, roedd Mr Domingo yn awyddus i gyfeirio'i ddiddordebau dyngarol tuag at Gymru a myfyrwyr Cymreig wrth gynorthwyo ymgeiswyr abl a haeddiannol i gyflawni eu potensial academiaidd. Y gobaith oedd y byddai'r sawl sy'n derbyn y Fwrsariaeth yn cael eu symblu i ystyried helpu myfyrwyr eraill mewn modd tebyg yn y dyfodol.

Mae'r Bwrsariaethau ar gael i ymgeiswyr israddedig sy'n dymuno astudio yn yr Adran Ffiseg neu Athrofa'r Gwyddorau Biolegol, Amgylcheddol a Gwledig (IBERS). Rhaid i'r ymgeiswyr fod wedi mynychu ysgol uwchradd/

coleg yng Nghymru am gyfnod o 3 blynedd o leiaf. Diben y Fwrsariaeth yw cynorthwyo myfyrwyr a allai fel arall gael eu hatal rhag mynd i brifysgol oherwydd ystyriaethau ariannol.

Yn ystod y flwyddyn gyntaf, y wobwr fel rheol fydd cyfraniad o hyd at £4,000 tuag at lety'r myfyriwr mewn llety Prifysgol. Ym mlynnyddoedd 2 a 3, bydd y taliad o £4,000 yn cael ei wneud mewn 3 rhandaliad yn uniongyrchol i gyfrif banc y derbynnnydd (£1,500 ym mis Hydref, £1,500 ym mis Rhagfyr, a £1,000 ym mis Mawrth).

Ceir amodau a thelerau llawn y Bwrsariaethau, ynghyd â ffurflen gais ar-lein ar:

www.aber.ac.uk/ysgoloriaethau

Y dyddiad cau am ceisiadau yw 31 Ionawr 2020.

Ysgoloriaeth Emily Price

£500

Sefydlwyd yr Ysgoloriaeth hon gan deulu a ffrindiau cyn-fyfrwraig, Emily Price, i wobrwyo ymgeiswyr benywaidd ar gyfer cyrsiau Mathemateg a Ffiseg (yn cynnwys cydanrhydded Mathemateg/Ffiseg) yn Aberystwyth. Bydd yr ymgeisydd llwyddiannus yn dangos addewid academiaidd a brwdfrydedd ar gyfer cynyddu cyfranogiad menywod mewn Mathemateg a/neu Ffiseg. Telir yr Ysgoloriaeth yn ystod y flwyddyn astudio gyntaf.

Rhaid i ymgeiswyr wneud cais ar gyfer cwrs cymwys erbyn Ionawr 15fed 2020 a chadarnhau Aberystwyth fel eu dewis Cadarn o brifysgol. Rhaid iddynt hefyd lenwi a chyflwyno ffurflen gais Ysgoloriaeth Emily Price erbyn Ionawr 31ain 2020 a gellir gofyn iddynt ddod i gyfweiliad byr i drafod y cais yn ystod Diwrnod Ymweld

i Ymgeiswyr ym mis Chwefror neu fis Mawrth 2020.

Gellir cael hyd i fanylion llawn a'r ffurflen gais ar-lein yma: www.aber.ac.uk/ysgoloriaethau



Gwobrau Adrannol

Y mae nifer o'n hadrannau academiaidd yn cynnig Gwobrau Adrannol, a gallwch ddal y rhain yn ogystal â nifer o'n Gwobrau eraill. Gellir cael manylion am wneud cais gan yr adrannau'n uniongyrchol.

Yr Adran Cyfrifiadureg

Ysgoloriaethau Adrannol i astudio Cyfrifiadureg

Anrhydedd Sengl: £500 y flwyddyn

Anrhydedd Cyfun: £250 y flwyddyn

Mae hyd at dair ysgoloriaeth ar gael i fyfyrwyr sy'n ennill graddau rhagorol yn yr Arholiadau Mynediad, neu sydd wedi llwyddo i gael graddau rhagorol (A*) yn eu harholiadau Safon Uwch neu gwymwysterau cyfatebol. Gwerth y wobr yw £500 y flwyddyn gydol eich cwrs gradd (tair neu bedair blynedd), sy'n rhoi cyfanswm o hyd at £7,500 (o gynnwys Ysgoloriaeth Cyfadran y Brifysgol). Er mwyn parhau i dderbyn y wobr rhaid i chi gael 70% neu fwy ar gyfartaledd yn eich arholiadau bob blwyddyn. Mae myfyrwyr anrhydedd gyfun yn gymwys i gael £250 y flwyddyn.

I gael rhagor o fanylion, cysylltwch â'r Adran Cyfrifiadureg: cs-admissions@aber.ac.uk

Adran Mathemateg

Ysgoloriaethau Adrannol i astudio Mathemateg

Anrhydedd Sengl: £500 y flwyddyn

Prif bwnc cwrs Prif/Is-bwnc: £500 y flwyddyn

Anrhydedd Cyfun: £250 y flwyddyn

I fod yn gymwys, mae'n rhaid i ymgeisydd fod naill ai ag Ysgoloriaeth Mynediad y Brifysgol, neu'n llwyddo i gael gradd A* yn eu harholiadau Safon Uwch mewn Mathemateg. Gwerth y wobr yw £500 y flwyddyn ar gyfer ymgeiswyr am gyrsiau anrhydedd sengl a chysiau prif/is-bwnc (gyda'r brif bwnc mewn mathemateg), a £250 y flwyddyn i ymgeiswyr am gyrsiau anrhydedd gyfun. Dyfennir y wobr yn awtomatig i fyfyrwyr sy'n cyrraedd y meini prawf uchod, a chedwir y wobr os ydych yn llwyddo i gael cyfartaledd o 70% neu uwch yn eich modiwlau Mathemateg bob blwyddyn. I gael rhagor o fanylion, cysylltwch â'r Adran Mathemateg:

maths-admissions@aber.ac.uk



Adran Ffiseg

Ysgoloriaethau Adrannol i astudio Ffiseg

Anrhydedd Sengl: £500 y flwyddyn

Anrhydedd Cyfun: £250 y flwyddyn

I fod yn gymwys, mae'n rhaid i ymgeisydd fod naill ai ag Ysgoloriaeth Mynediad y Brifysgol, neu'n llwyddo i gael o leiaf dwy radd A yn eu Safon Uwch, a rhaid i un ohonynt fod mewn Ffiseg neu Fathemateg. Gwerth y wobr yw £500 y flwyddyn am gyfnod eich cwrs (dair/pedair blynedd), sy'n rhoi cyfanswm o hyd at £7,500 (yn cynnwys Ysgoloriaeth Cyfadran y Brifysgol).

Gallwch gadw'r wobr os ydych yn llwyddo i gael cyfartaledd o 70% neu uwch yn arholiadau eich modiwlau bob blwyddyn. Mae myfyrwyr anrhydedd cyfun yn gymwys i gael £250 y flwyddyn. I gael rhagor o fanylion, cysylltwch â'r Adran Ffiseg: phys@aber.ac.uk

Ysgoloriaethau Chwaraeon

£500 y flwyddyn

Anelir yr Ysgoloriaethau Chwaraeon at fyfyrwyr sydd fel arfer yn byw yn y DU/UE ac sy'n gallu dangos tystiolaeth o gyflawniadau diweddar o safon uchel ym maes chwaraeon ac ymrwymiad i ddatblygu perfformiad.

Mae Ysgoloriaethau Chwaraeon ar gael i fyfyrwyr sy'n gwneud cais am UNRHYW bwnc llawn-amser yn Aberystwyth.

Manteision yr Ysgoloriaethau Chwaraeon yw:

- £500 y flwyddyn (hyd at 10 ar gael bob blwyddyn)
- Aelodaeth Blatinwm rad ac am ddim yng Nghanolfan Chwaraeon y Brifysgol am bob blwyddyn astudio
- Sicrwydd o lety mewn Neuadd Breswyl neu eiddo a weinyddir gan y Brifysgol am y cwrs cyfan*

**Er mwyn cadarnhau eich gwarant o le yn llety'r Brifysgol, mae'n rhaid i chi wneud cais am lety ar gyfer y flwyddyn academiaidd ganlynol o fewn y dyddiadau a hysbysebir gan y Swyddfa Lety ar gyfer myfyrwyr sy'n dychwelyd.*

Sut i Wneud Cais

- Dylai myfyrwyr wneud cais trwy UCAS erbyn 30 Mehefin 2020 a nodi Aberystwyth yn ddewis 'Cadarn'.
- Bydd angen i fyfyrwyr lenwi ffurflen gais a'i hanfon yn ôl i'r Brifysgol erbyn 30 Mehefin 2020.
- Gellir gwahodd ymgeiswyr i gyfweliad er mwyn trafod eu cais ymhellach.
- Gellir cyflwyno ceisiadau drwy'r ffurflen gwneud cais ar-lein neu drwy lawrlwytho ffurflen o'r adran 'Ysgoloriaethau' ar y wefan.
- Rhaid i ymgeiswyr gwrdd â gofynion eu cynnig yn llawn.

Gellir dal Ysgoloriaeth Chwaraeon ar y cyd ag unrhyw wobwr arall.

Gweler y wefan am Delerau ac Amodau llawn: www.aber.ac.uk/ysgoloriaethau



Iwan Lewis

Busnes a Rheolaeth

Ysgoloriaeth Chwaraeon

Sanclêr, Sir Gâr

Roeddwn wrth fy modd i ddarganfod

fy mod wedi cael Ysgoloriaeth Chwaraeon yn Aberystwyth - y syniad o gael fy ngwobrwyo am fy nghyflawniadau yn y gorffennol yn arbennig. Ond mae'r Ysgoloriaeth wedi rhoi mwy na hynny i mi - mae'r arian ychwanegol wedi cymryd y straen oddi ar fywyd myfyrwyr. Mae hefyd wedi fy ngalluogi i wella fy rygbi trwy allu prynu'r cit gorau, a rhoi hyder arbennig i mi trwy wybod fy mod yn cynrychioli'r Brifysgol fel Ysgolor Chwaraeon.



Gwobrau Teilyngdod Chwaraeon

£500

Os ydych yn rhagori yn eich maes chwaraeon **ar ôl** cyrraedd Prifysgol Aberystwyth, gallech wneud cais ar gyfer Gwobr Teilyngdod Chwaraeon yn eich ail flwyddyn neu flwyddyn astudio ddilynol. £500 yw gwerth y gwobrau ac aelodaeth Blatinwm yn rhad ac am ddim yng Nghanolfan Chwaraeon y Brifysgol am flwyddyn academaidd.



Ysgoloriaethau Pêl-droed Prifysgol Aberystwyth / Tref Aberystwyth gwerth dros £18,000

Gwahoddir ceisiadau gan ymgeiswyr gwrywaidd o'r DU sy'n gwneud cais i astudio'n llawn amser ar gyfer gradd mewn unrhyw bwn (israddedig neu uwchraddedig). Bydd ymgeiswyr llwyddiannus yn chwarae i Glwb Pêl-droed Tref Aberystwyth yn Uwch-gynghrair Cymru a hefyd dîm pêl-droed BUCS Prifysgol Aberystwyth pan fo'n briodol.

RHAID bod ymgeiswyr wedi cyrraedd safon chwarae yn Uwch-gynghrair Cymru neu gyfatebol o leiaf (Cynghrair Genedlaethol Vanarama yn Lloegr).

Ymhlith y manteision y mae:

- £4,000 y flwyddyn
- Aelodaeth Blatinwm o Ganolfan Chwaraeon Prifysgol Aberystwyth yn rhad ac am ddim
- Cyfleoedd datblygu hyfforddiant pêl-droed gyda Clwb Pêl-droed Tref Aberystwyth ac Undeb Myfyrwyr Prifysgol Aberystwyth (UM PA)
- Yswiriant meddygol drwy UM PA
- Mynediad at ffisiotherapi Clwb Pêl-droed Tref Aberystwyth
- Citiau gemau a hyfforddiant Clwb Pêl-droed Tref Aberystwyth

Ydyddiad cau ar gyfer ceisiadau - 15 Gorffennaf 2020.

Gellir cael hyd i fanylion llawn a'r ffurflen gais ar-lein yma: www.aber.ac.uk/ysgoloriaethau

Mae croeso i ymgeiswyr gysylltu â'r Clwb er mwyn trafod yr Ysgoloriaeth ymhellach:

abertownfc@live.co.uk

Ni ellir dal yr Ysgoloriaeth hon ac Ysgoloriaeth Chwaraeon Prifysgol Aberystwyth, ond gellir ei dal gydag unrhyw un o'r gwobrau israddedig eraill a gynigir. Cyngorior ymgeiswyr uwchraddedig i gadarnhau drwy'r Swyddfa Derbyn Graddedigion a fyddai unrhyw wobrau Uwchraddedig yn cael eu heffeithio.



Mathew Jones

Gwyddor Chwaraeon ac Ymarfer Corff

**Ysgoloriaeth Pêl-droed
Prifysgol Aberystwyth /**

**Tref Aberystwyth, Ysgoloriaeth
Rhagoriaeth Academaidd
Aberystwyth**

Byddwn yn argymhell bod unrhyw bêl-droedwyr ddawnus sydd â diddordeb mewn dod i astudio yn Aber yn gwneud cais am Ysgoloriaeth Clwb Pêl-droed Aber. Roedd y broses ymgeisio yn syml, ac mae derbyn yr Ysgoloriaeth wedi helpu i dynnu'r straen allan o ariannu fy amser yn y Brifysgol, tra'n gallu parhau i chwarae pêl-droed i safon uchel.

Ysgoloriaethau Cerdd

£650 y flwyddyn


Un o gryfderau Aberystwyth a'r Brifysgol yw'r bywyd cerddorol gwyth sydd yma. Nid oes modd gwneud gradd gerddoriaeth yn y Brifysgol mwyach ond rydym yn dal i werthfawrogi pwysigrwydd bwrlwm y gymuned gerddorol. Mae'r Ganolfan Gerdd yn cynnig cyfle i bob myfyrwr i chwarae, dysgu a mwynhau cerddoriaeth ochr yn ochr â'u hastudiaethau.

Rhoddir Ysgoloriaethau Cerdd i gerddorion profiadol a all wneud cyfraniad ymarferol i gerddorfeydd, bandiau, corau ac ensembles eraill y Brifysgol. Cânt eu dyfarnu ar sail clyweliad cystadleuol i fyfyrwyr newydd mewn unrhyw ddisgyblaeth (israddedig neu uwchraddedig) ac fe'u dyfernir am hyd y cwrs.

Dyma rai o fanteision yr Ysgoloriaethau Cerdd:

- £650 y flwyddyn (pedair neu fwy o wobrau ar gael bob blwyddyn)
- Aelodaeth yn rhad ac am ddim i holl ensembles y Ganolfan Gerdd neu ensembles cysylltiedig (gan gynnwys cerddorfeydd, bandiau ac ati)
- Cyfle i ddefnyddio adnoddau ymarferol a llyfrgell ac adnoddau priodol eraill y Ganolfan Gerdd yn rhad ac am ddim
- Sicrwydd o lety mewn eiddo a reolir gan y Brifysgol am hyd y cwrs*

* Er mwyn sicrhau eich lle mewn Neuadd, mae'n rhaid i chi wneud cais am lety ar gyfer y flwyddyn academiaidd nesaf o fewn y dyddiadau a hysbysebir gan y Swyddfa Lety i fyfyrwyr sy'n dychwelyd.



Rhodri Rutherford

Philomusica a
Chantorion y Brifysgol
Ysgoloriaeth Gerdd -
Clarinet a Llais

Mae derbyn yr Ysgoloriaeth Gerdd wedi bod yn brofiad anhygoel i mi. Dwi wedi cael y cyfle i chwarae nifer helaeth o ddarnau cerddorol gan amryw o gyfansoddwyr. Yn ogystal, mae fy sgiliau darllen a chwarae cerddoriaeth wedi datblygu wrth i mi fagu hyder.

Mae'r Ganolfan Gerdd yn darparu ystod eang o grwpiau cerddorol, gyda rhywbeth at ddant pawb. Mae'r teimlad o ymuno gyda'r gymuned gerddorol yn un hyfryd gan eich bod yn cwrdd â phobl sy'n rhannu'r un diddordebau a phrofiadau. Mae'n ffordd arbennig o dda o gael seibiant o'r cwrs i ymlacio a mwynhau. Mae hefyd yn sicrhau cydbwysedd amser o ran bywyd prifysgol, sy'n allweddol.




Sut i ymgeisio:

- Rhaid i ymgeiswyr fod wedi ymgeisio i'r Brifysgol a nodi Aberystwyth fel dewis cadarn erbyn y dyddiad cau, sef 15 Mehefin 2019.
- Rhaid cyflwyno ffurflen gais i'r Ganolfan Gerdd erbyn 15 Mehefin 2019.
- Rhaid i ymgeiswyr a gaiff wahoddiad fod ar gael i ddod i glyweliad yn Aberystwyth ar adeg sy'n gyfleus i bawb
- Mae'r Ysgoloriaethau ar gael i fyfyrwyr sydd fel arfer yn byw yn y DU, yr UE neu'n rhyngwladol, ac sy'n offerynwyr neu'n gantorion cymwys yn unol â'r hyn a nodir yn y rheoliadau.

I'r ymgeiswyr sydd am gael penderfyniad cynnar ar eu cais, mae cyfleoedd i gael clyweliad yn y Diwrnod Agored yng nghanol y flwyddyn. Byddwn yn cysylltu â'r ymgeiswyr yn fuan ar ôl y dyddiad cau i drafod dyddiadau'r clyweliadau.

Mae ffurflenni cais, y rheoliadau'n llawn a rhagor o fanylion am yr Ysgoloriaethau ar gael ar ein gwefan www.aber.ac.uk/cy/music neu drwy gysylltu â'r Ganolfan Gerdd: music@aber.ac.uk
Ffôn: 01970 622685



Rio Sambrook

*Y Band Cyngerdd
a Chantorion y
Brifysgol*

**Ysgoloriaeth Gerdd
– Tiwba a Llais**

Fel cerddor, rwy'n gosod safonau uchel i mi fy hun, ac rwy'n mwynhau perfformio â cherddorion eraill o safon uchel. A hithau'n brifysgol heb adran gerdd, mae Aberystwyth yn ffodus i gael canolfan mor fywiog ac egniol gyda cherddorion o safon uchel. Mae'n brofiad gwych i gamu o fyd y corau ieuenctid a bandiau iau a chael ymarfer a pherfformio ag oedolion, a chwarae cerddoriaeth sy'n ddifrif ac sy'n fy ymestyn.

Mae'r cyfle i gael seibiant o ddarlithoedd ac adolygu a chamu i mewn i'r byd cerddoriaeth yn beth braf iawn. Mae adeliad hardd yr Hen Goleg yn lle perffaith ar gyfer ymarferion a chyngherddau, ac mae'r cyfle i ymgysylltu â'r gymuned leol drwy gyfrwng cerddoriaeth yn werthfawr iawn. Rwy'n falch fy mod yn gallu bod yn rhan o'r ganolfan gerdd yma yn Aberystwyth, oherwydd rwyf wedi gwneud llawer o ffrindiau na fyddwn wedi eu cyfarfod fel arall, ac wedi perfformio cerddoriaeth ryfeddol na fyddwn wedi cael cyfle i'w chwarae efallai.

Bwrsariaethau i'r rhai sy'n Gadael Gofal, Gofalwyr Ifanc a grwpiau cysylltiedig

Mae Prifysgol Aberystwyth yn ymwybodol o'r anhawsterau ariannol a wynebwr gan fyfyrwyr sy'n mynd ymlaen i addysg uwch a fu mewn gofal neu'r rhai a chanddynt gyfrifoldebau gofalu, neu sydd wedi'u dieithrio oddi wrth eu teuluoedd neu eu gwarcheidwaid ar ddiwedd eu harddegau. Er mwyn lleddfu'r pwysau ariannol, mae'n dda gennym gynnig y canlynol:

Gall myfyrwyr sy'n datgan yn eu cais UCAS eu bod mewn gofal, yn ofalwr ifanc cydnabyddedig, neu wedi'u dieithrio'n ddiweddar oddi wrth eu teulu/gwarcheidwad oherwydd meini prawf ehangu cyfranogiad eraill fod yn gymwys i dderbyn y taliad ychwanegol hwn (p'un a ydynt yn derbyn bwrsariaeth neu ysgoloriaeth arall gennym ai peidio).

Bwrsariaeth Llawn*

- £1,500 y flwyddyn*

Rhaid i ymgeiswyr allu dangos:

- eu bod wedi bod mewn gofal maeth neu ofal cyhoeddus arall am gyfnod di-dor o 6 mis neu fwy ar ôl eu pen-blwydd yn 14, a rhaid iddynt fod o dan 25 adeg dechrau eu hastudiaethau addysg uwch, a chanddynt Gynllun Llwybr lle bo hynny'n briodol,
- NEU eu bod yn ofalwr ifanc cydnabyddedig i riant neu frawd neu chwaer neu eu perthynas agosaf, yn dioddef caledi ariannol ac o dan 21 adeg dechrau eu hastudiaethau addysg uwch,
- NEU eu bod wedi'u dieithrio oddi wrth eu teulu neu warcheidwad/gwarcheidwaid ar ôl eu pen-blwydd yn 16, yn annibynnol ac yn hunangynhaliol, yn dioddef caledi ariannol, ac o dan 21 adeg dechrau eu hastudiaethau addysg uwch.

**Seilir y cyfanswm hwn ar gostau llety tybiedig dros gyfnodau gwyliau, costau ychwanegol eitemau ar gyfer byw'n annibynnol, er enghraifft dillad gwely, llestri, cyllyll a ffyrac ati (a all fod ar gael pan fyddwch yn cyrraedd), ynghyd â llyfrau cwrs a deunyddiau astudio eraill. Rhagdybir y bydd myfyrwyr yn dod o hyd i waith yn y gwyliau i dalu costau byw ychwanegol.*

Bwrsariaeth Rannol**

- £800 y flwyddyn**

Rhaid i ymgeiswyr allu dangos:

- eu bod wedi bod mewn gofal maeth neu ofal cyhoeddus arall am gyfnod di-dor o 3 i 6 mis yn 16 mlwydd oed neu'n hŷn, a bod hynny wedi effeithio ar eu haddysg uwchradd, a rhaid iddynt fod o dan 25 adeg dechrau eu hastudiaethau addysg uwch.

*** Seilir y cyfanswm ar ddealltwriaeth ei bod yn debygol y bydd tarfu difrifol wedi bod ar addysg pobl ifanc a fu mewn gofal yn achlysurol neu am gyfnod o 3-6 mis, ynghyd ag ar agweddau eraill ar eu bywydau. Byddai'r fwsariaeth hon yn fodd iddynt fyw yn y Brifysgol am ran o gyfnod y gwyliau a gallai olygu eu bod yn gallu bod yn annibynnol pe byddent yn dymuno hynny.*

Ar gyfer y ddwy wobwr:

1. Dyfernir y bwrsariaethau i unrhyw israddedigion cymwys amser-llawn o'r DU sy'n cyflawni telerau'r cynnig, heb ystyried y flwyddyn mynediad, ac y mae'n ychwanegol i unrhyw fath arall o gymorth statudol neu sefydliadol.
2. Mae'r Fwrsariaeth i'w dal am gyfnod cyfan y cwrs astudio (am hyd at 4 mlynedd) ac mae'n amodol ar gynydd academaidd boddhaol.
3. Dylid ymgeisio drwy lenwi ffurflen fer a'i chyflwyno ynghyd â dogfennau ategol gan y gwasanaethau cymdeithasol, darparwr yn y trydydd sector neu unigolyn neu gorff perthnasol arall (wedi'u cwblhau ym mis Medi yn y flwyddyn pan fydd y myfyriwr yn cael ei dderbyn neu, os yw hynny'n briodol, drwy drafodaeth, yn ystod blwyddyn gyntaf yr astudiaethau) a chyfarfod byr â'r "Unigolyn Enwebedig" ym Mhrifysgol Aberystwyth (gweler y manylion cyswllt isod).

Yn ogystal â chymorth ariannol, cynigir nifer o fesurau cymorth eraill hefyd i'r rhai sy'n gadael gofal ac eraill, gan gynnwys:

- Gwarant o lety mewn Neuadd a reolir gan y Brifysgol trwy gydol y cwrs. (*Er mwyn sicrhau eich lle mewn llety, yn cynnwys dros yr haf, mae'n rhaid i chi wneud cais o fewn y dyddiadau a hysbysebir gan y Swyddfa Lety i fyfyrwyr sy'n dychwelyd*).
- Mentor Cynllun Ffordd Hyn
- Cefnogaeth ar Ddiwrnodau Agored ac Ymweld

Cysylltwch â'r Ganolfan Ehangu Cyfranogiad, a Chynhwysiant Cymdeithasol i gael rhagor o fanylion:

Ffôn: 01970 621890;

Ebost: wpsi@aber.ac.uk

Gellir dal Bwrsariaethau i'r rhai sy'n Gadael Gofal, Gofalwyr Ifanc a grwpiau cysylltiedig a bwrsariaethau cysylltiedig ar y cyd ag unrhyw wobwr arall.



Ysgoloriaethau Astudio trwy'r Gymraeg

Mae 99% o raddedigion Prifysgol Aberystwyth sydd wedi astudio modiwlau cyfrwng Cymraeg mewn gwaith neu astudiaeth bellach chwe mis wedi iddynt raddio.*

Er mwyn galluogi rhagor o'n myfyrwyr i fanteisio ar y cyfle i ddysgu sgiliau sy'n werthfawr i'r gweithle mae Aberystwyth yn cynnig ysgoloriaethau i'w cynorthwyo i ddilyn rhan o'u cwrs drwy'r Gymraeg.

Dyfernir Ysgoloriaethau'n awtomatig i fyfyrwyr cymwys. Bydd manylion y modiwlau cymwys ar gael wrth gofrestru ar ddechrau pob blwyddyn academaidd.

Uwch Ysgoloriaeth

£250 y flwyddyn

Ar gyfer myfyrwyr sy'n astudio o leiaf 40 credyd drwy'r Gymraeg bob blwyddyn. Bydd angen cofrestru ar fodiwl(au) a gynigir yn gyfan gwbl neu yn rhannol drwy'r Gymraeg ar gyrsiau cymwys.

Ysgoloriaeth Annog

£100 y flwyddyn

Ar gyfer myfyrwyr sy'n astudio rhwng 5 credyd a 39 credyd drwy'r Gymraeg bob blwyddyn. Bydd angen cofrestru ar fodiwl(au) a gynigir yn gyfan gwbl neu yn rhannol drwy'r Gymraeg ar gyrsiau cymwys.

* Arolwg o Gyrchfannau Ymadawyr Addysg Uwch (DLHE) 2018



Osian Gwyn Jones

Amaethyddiaeth

**Ysgoloriaeth Rhagoriaeth Academaidd, Cynnig
Diamod, Uwch Ysgoloriaeth astudio trwy'r
Gymraeg
Y Bala**

Wedi i mi sefyll yr Arholiadau Mynediad, roeddwn yn ffodus iawn i gael cynnig diamod gan y Brifysgol. Er hyn, cefais fy annog gan fy nheulu i weithio i fy llawn allu ar gyfer fy arholiadau lefel A. Rwyf yn hynod ddiolchgar iddynt am eu cefnogaeth, gan i fy ngwaith caled cael ei wobrwyo yn ogystal gydag Ysgoloriaeth Rhagoriaeth Academaidd gan y Brifysgol. Yn dilyn dechrau yn y Brifysgol, deallais fy mod yn gymwys ar gyfer Uwch Ysgoloriaeth astudio drwy'r Gymraeg. Fel myfyriwr Cymraeg iaith gyntaf, roedd astudio drwy gyfrwng yr iaith yn naturiol ac mae'r cymorth ariannol ychwanegol o'r ddwy ysgoloriaeth wedi bod o fudd mawr er mwyn ariannu costau myfyriwr.

Ysgoloriaethau'r Coleg Cymraeg Cenedlaethol



Coleg
Cymraeg
Cenedlaethol

Corff annibynnol yw'r Coleg Cymraeg Cenedlaethol, sy'n gyfrifol am gynllunio a chyllid darpariaeth cyfrwng Cymraeg o fewn y sector addysg uwch gyfan mewn partneriaeth â holl brifysgolion Cymru.

Diben y cynllun Ysgoloriaethau yw cynnig cymorth ariannol i fyfyrwyr sy'n dymuno astudio trwy gyfrwng y Gymraeg. Mae 2 lefel o Ysgoloriaeth, sy'n dibynnu ar y nifer o gredydau sy'n cael eu hastudio trwy gyfrwng y Gymraeg. Mae'n bosibl dal Ysgoloriaeth o'r Coleg Cymraeg Cenedlaethol ar y cyd gydag unrhyw wobrau o Brifysgol Aberystwyth.

Prif Ysgoloriaeth

£1,000 y flwyddyn

Mae'r cynllun Prif Ysgoloriaethau ar gael i fyfyrwyr sy'n astudio cyrsiau gradd sy'n cynnwys o leiaf 240 credyd o ddarpariaeth cyfrwng Cymraeg. Er mwyn derbyn yr ysgoloriaeth, bydd angen astudio o leiaf 80 credyd drwy'r Gymraeg ym mhob blwyddyn. Gwerth yr ysgoloriaethau hyn yw £1000 y flwyddyn (£3000 dros dair blynedd; lle mae cwrs gradd yn cynnwys tair blynedd o astudio yn Aberystwyth a blwyddyn dramor, ni fydd taliad yn y flwyddyn dramor). Mae rhestr o gyrsiau gradd cymwys ym Mhrifysgol Aberystwyth ar gael ar safle gwe'r Coleg:

www.colegcymraeg.ac.uk

Sut i wneud cais

Caiff y Prif Ysgoloriaethau eu dyfarnu ar sail canlyniadau arholiadau'r Ysgoloriaeth Mynediad Prifysgol Aberystwyth. Rhaid ichi ymaelodi â'r Coleg a llenwi ffurflen gais ar wahân ar gyfer yr Ysgoloriaethau oddi ar wefan y Coleg, **gan sicrhau eich bod wedi llenwi atodiad Prifysgol**

Aberystwyth. Rhaid dychwelyd y ffurflen i'r Coleg Cymraeg erbyn y dyddiad a nodwyd.

Mae ffurflen gais ar gael ar safle gwe'r Coleg. Rhaid ei dychwelyd i'r Coleg Cymraeg Cenedlaethol erbyn y dyddiad a hysbysebwyd ganddynt.

Ysgoloriaethau Cymhelliant

£500 y flwyddyn

Mae'r cynllun Ysgoloriaethau Cymhelliant ar gael i fyfyrwyr sy'n astudio cyrsiau gradd sy'n cynnwys o leiaf 120 credyd o ddarpariaeth cyfrwng Cymraeg mewn pwnc cymwys. Er mwyn derbyn yr ysgoloriaeth bydd angen astudio o leiaf 40 credyd drwy'r Gymraeg ym mhob blwyddyn.

Gwerth yr ysgoloriaethau hyn yw £500 y flwyddyn (£1,500 dros dair blynedd); (pan fo cwrs yn cynnwys astudio am dair blynedd yn Aberystwyth a blwyddyn dramor/blwyddyn o brofiad gwaith, ni wneir taliad yn y flwyddyn honno).

Mae rhestr o gyrsiau gradd cymwys ym Mhrifysgol Aberystwyth ar gael ar safle gwe'r Coleg. Dyfernir yr ysgoloriaethau ar sail ffurflen gais y Coleg Cymraeg Cenedlaethol.

Sut i wneud cais

Rhaid ichi ymaelodi â'r Coleg i wneud cais. Mae ffurflen gais ar gael ar safle we'r Coleg. Rhaid ei dychwelyd i'r Coleg Cymraeg Cenedlaethol erbyn y dyddiad a nodwyd ganddynt.

Gweler: www.colegcymraeg.ac.uk/cy
www.aber.ac.uk/ysgoloriaethau

Cymdeithas y Cyn-fyfyrwyr, Aberystwyth (Cangen Caerdydd)

hyd at £1,500

Grant gwerth rhwng £500 ac £1,500, sy'n daladwy mewn dau swm cyfartal ym mlwyddyn academiaidd gyntaf y myfyriwr yn Aberystwyth. Croesewir ceisiadau gan fyfyrwyr sy'n ddisgyblion mewn ysgol neu goleg yn ardal de-ddwyrain Cymru.

Cysylltwch â'r Swyddfa Dderbyn Israddedig am ffurflen gais:

Ebost: is-raddedig@aber.ac.uk

Ffôn: 01970 622021

Bydd angen gofyn am y ffurflen gais erbyn 20 Mawrth yn y flwyddyn mynediad i'r Brifysgol.

Mae'r wybodaeth ddiweddaraf ar gael ar ein gwefan:

www.aber.ac.uk/ysgoloriaethau



Cyflogaeth a Chymorth Ychwanegol

GwaithAber

Mae'r cyfleoedd am waith rhan-amser, achlysurol drwy GwaithAber yn amrywio o arlwyio a gwaith gweinyddol, i rolau llysgenhadol a mwy. Yn ystod y tymor, os oes gwaith ar gael, gallwch ddewis gweithio hyd at 15 awr yr wythnos, gyda rhagor o oriau'n bosibl yn ystod y gwyliau. Gallai'r gwaith fod wedi'i leoli ar unrhyw un o gampysau'r Brifysgol gan gynnwys yr Hen Goleg a'n Ffermydd.

Yr hyn sy'n wych am y cynllun yw eich bod yn gallu derbyn gwaith sy'n cyd-fynd â'ch amserlen chi, felly nid yw'n tarfu ar eich astudiaethau, ond fe fyddwch chi'n parhau i feithrin profiad a chael arian ychwanegol.

www.aber.ac.uk/cy/hr/gwaithaber

Y Gwasanaeth Cyngor, Gwybodaeth ac Arian

Mae'r Gwasanaeth Cyngor, Gwybodaeth ac Arian o fewn y Gwasanaethau Cymorth i Fyfirwyr yn rhoi cyngor arbenigol am amrywiaeth o faterion ariannol. Bydd modd i'n hymgynghorwyr myfyrwyr, sydd wedi'u hachredu gan NASMA (Cymdeithas Genedlaethol Cynghorwyr Ariannol Myfyrwyr) wneud yn siŵr eich bod yn cael popeth o fewn eich hawliau gan eich corff cyllido. Gallant hefyd roi cyngor ar sut i reoli eich arian yn fwy effeithiol ac efallai y bydd modd iddynt roi cymorth ariannol ar gyfer amgylchiadau annisgwyl.

www.aber.ac.uk/cy/student-support





Gwybodaeth Bwysig i'w Nodi:

1. Mae'n bosibl dal Ysgoloriaeth Mynediad neu Wobr Teilyngddod ynghyd ag unrhyw un, neu bob un, o'n gwobrau eraill.
2. Mae i bob Ysgoloriaeth a Bwrsariaeth eu telerau ac amodau eu hunain, sydd ar gael yma: www.aber.ac.uk/ysgoloriaethau
3. Bydd myfyrwyr sy'n gohirio mynediad yn derbyn Ysgoloriaethau/Bwrsariaethau ar y lefel a hysbysebwyd ar gyfer y flwyddyn gais.
4. Mae'r gwobrau'n daladwy i fyfyrwyr sy'n astudio ar gyfer gradd llawn yn unig (nid i'r sawl sydd wedi trosglwyddo i flynyddoedd 2 neu 3 o'r cwrs).
5. Bydd y taliadau'n para tra bydd myfyriwr yn dal y wobr yn amodol â bodloni'r rheoliadau (os bydd blwyddyn yn cael ei hailwneud ni wneir taliadau, ac eithrio Bwrsariaeth Aberystwyth).
6. Dim ond yn ystod y blynyddoedd pan fo'r myfyriwr yn talu ffioedd llawn y caiff taliadau Ysgoloriaethau a Bwrsariaethau eu gwneud (ni fydd taliadau'n cael eu gwneud yn ystod blynyddoedd tramor fel rhan o'r cwrs neu yn ystod blynyddoedd mewn diwydiant).
7. Fel arfer, gwneir taliadau ddwywaith y flwyddyn yn syth i gyfrifon banc y myfyrwyr. Cyfrifoldeb y myfyrwyr unigol yw darparu manylion dilys y banc pan ofynnir iddynt amdanynt. Os nad ydynt yn rhoi'r manylion hynny erbyn y dyddiad penodedig, ni fydd yr arian yn cael ei dalu. Os na ddarperir manylion cyfrif banc erbyn y dyddiad penodedig, ni fydd gan ddeiliad y grant hawl i dderbyn taliad y flwyddyn honno. Gall taliadau blynyddoedd diweddarach barhau os bydd deiliad y grant yn darparu manylion ei gyfrif banc erbyn y dyddiadu penodedig ar gyfer y blynyddoedd hynny.
8. Bydd taliadau i fyfyrwyr sy'n tynnu'n ôl dros dro yn ailgychwyn o ddechrau'r tymor llawn nesaf pan ailgychwynnant ar eu hastudiaethau (ni fydd unrhyw daliadau sy'n weddill o'r tymor pan dynnant yn ôl yn cael eu talu).
9. Bydd bwysig cofio os y byddwch mewn dyled i'r Brifysgol, y bydd taliadau'r Ysgoloriaeth neu Fwrsariaeth yn cael eu dal yn ôl a'u defnyddio yn erbyn y ddyled.
10. Os bydd myfyriwr yn tynnu'n ôl o'u hastudiaethau am byth cyn Rhagfyr 1af, bydd y Swyddfa Gyllid yn hawlio'r cyfan o'r taliad cyntaf yn ôl. Os bydd myfyriwr yn tynnu'n ôl am byth rhwng Rhagfyr 1af a Mawrth 2il, bydd y Swyddfa Gyllid yn hawlio yn ôl y cyfan o'r ail daliad. O dan yr amgylchiadau hyn, os nad yw'r symiau hyn yn cael eu had-dalu, mae'n bosib y bydd yr achos yn cael ei gyfeirio at asiantaeth gasglu dyledion y Brifysgol.
11. Mae'r wybodaeth a geir yn y llyfryn hwn yn berthnasol i fyfyrwyr a fydd yn ymgymryd â'u hastudiaethau yn Aberystwyth yn unig, ac nid yw'n berthnasol i fyfyrwyr sy'n astudio rhaglenni breiniol neu raglenni wedi'u dilysu a gyflwynir gan bartneriaid.



Ysgoloriaethau, Bwrsariaethau a Gwobrau 2020

Rydym yn cynnig ystod hael o Ysgoloriaethau a Bwrsariaethau i gefnogi'ch costau astudio a byw. Mae'n bosibl dal nifer o'r gwobrau hyn gyda'u gilydd i wneud eich pecyn ariannol CHI'N fwy gwerthfawr.

Enw'r Wobr	Werth	Pwy all ymgeisio?	Meini Prawf	Pryd i wneud cais	Ffurflen ychwanegol
Ysgoloriaethau Mynediad	- Hyd at £2,000 y flwyddyn - Cynnig diamod - Sicrwydd o lety mewn Neuadd Breswyl neu eiddo a weinyddir gan y Brifysgol trwy gydol y cwrs	Ymgeiswyr Israddedig	- Rhaid sefyll dau arholiad mewn dau bapur gwahanol - Cynhelir yr arholiadau ar 28 Ionawr a rhaid eu sefyll yn y Brifysgol neu mewn ysgol neu goleg yn y DU, neu mewn canolfan arholi archrededig	Erbyn 18 Ionawr (DU) neu 15 Ionawr (UE/tramor)	Oes, ac fe allwch ymgeisio ar-lein
Gwobrau Teilyngdod	£1,000 yn y flwyddyn gyntaf - Cynnig diamod				
Ysgoloriaethau Rhagoriaeth Academaidd	£2,000 yn y flwyddyn gyntaf	Ymgeiswyr o'r DU/UE	Ymgeiswyr sy'n rhagori yn eu hastudiaethau cyn dechrau yn y Brifysgol	Dim angen ymgeisio	Nac oes
Bwrsariaeth Rashid Domingo	Hyd at £12,000	Rhaid bod wedi mynd i ysgol uwchradd/ coleg yng Nghymru am o leiaf 3 blynedd	Ymgeiswyr ar gyfer cyrsiau Ffiseg neu IBERS sy'n gallu dangos potensial academaidd ac angen ariannol	Erbyn 31 Ionawr	Oes (a chyfweliad byr)
Ysgoloriaeth Emily Price	£500	Ymgeiswyr benywaidd ar gyfer Mathemateg/ Ffiseg	Rhaid i ymgeiswyr dangos addewid academaidd	Erbyn 31 Ionawr	Oes
Gwobrau Adrannol	£250 - £500 y flwyddyn	Ymgeiswyr ar gyfer Cyfrifiadureg, Ffiseg, a Mathemateg	Rhaid dal Ysgoloriaeth Mynediad neu fod wedi cael graddau penodol yn yr arholiadau Safon Uwch er mwyn cael eich hystyried	Ystyri'r ymgeiswyr yn awtomatig	Nac Oes

Enw'r Wobr	Werth	Pwy all ymgeisio?	Meini Prawf	Pryd i wneud cais	Ffurflen ychwanegol
Ysgoloriaethau Chwaraeon	£500 y flwyddyn - Aelodaeth Platinwm yng Nghanolfan Chwaraeon y Brifysgol - Sicrwydd o lety mewn Neuadd Breswyl neu eiddo a weinyddir gan y Brifysgol trwy gydol y cwrs	Ymgeiswyr o'r DU/UE yn cynnwys uwchraddedigion	- Rhaid gwneud cais i Aberystwyth erbyn 30 Mehefin, a nodi Aberystwyth yn ddewis 'Cadarn' - Rhaid cyflawni holl delerau'r cynnig yn llawn	Erbyn 30 Mehefin	Oes, neu fe allwch ymgeisio ar-lein
Ysgoloriaethau Pêl-droed Prifysgol Aberystwyth/ Tref Aberystwyth	£4,000 y flwyddyn ynghyd â buddiannau ychwanegol	Ymgeiswyr gwrywaidd o'r DU yn cynnwys uwchraddedigion	Rhaid fod gan ymgeisywr brofiad o chwarae pêl-droed i lefel Prif Gynghair Cymru neu lefel cyfatebol	Erbyn 15 Gorffennaf	Oes
Ysgoloriaethau Cerdd	- Hyd at £650 y flwyddyn (am gyfnod o hyd at 3 blynedd) - Aelodaeth am ddim o'r Ganolfan Cerdd - Sicrwydd o lety Brifysgol am gyfnod y Fwrsariaeth	Holl ymgeiswyr yn cynnwys uwchraddedigion	Dyfernir ar sail clyweliad cystadleuol ar offeryn cerddorfaol	Derbyn 15 Mehefin	Oes
Bwrsariaethau Gadael Gofal, Gofalwyr Ifanc a grwpiau cysylltiedig	- Bwrsariaeth Lawn - £1,500 y flwyddyn - Bwrsariaeth Rannol - £800 y flwyddyn	Myfyrwyr o'r DU	- Gweler yr adran berthnasol o'r llyfryn hwn ar gyfer cyfyngiadau oedran a thystiolaeth - Rhaid cyflawni holl delerau'r cynnig yn llawn	Ar ôl derbyn gynnig cadarn, neu yn ystod flwyddyn gyntaf y cwrs	Oes (a chyfarfod)
Ysgoloriaethau Astudio trwy'r Gymraeg	- Uwch Ysgoloriaeth - £250 y flwyddyn - Ysgoloriaeth Annog - £100 y flwyddyn	Ymgeiswyr cyfrwng Cymraeg	Myfyrwyr ar gyrsiau cymwys sy'n astudio nifer penodedig o gredydau trwy gyfrwng y Gymraeg	Ystyrir ymgeiswyr yn awtomatig	Nac oes
Ysgoloriaethau'r Coleg Cymraeg Cenedlaethol	£1,500 i £3,000	Ymgeiswyr cyfrwng Cymraeg	Gweler adran berthnasol y llyfryn hwn	Dyddiadau gwahanol yn dibynnu ar y wobr	Rhaid ymaelodi â'r Coleg Cymraeg

- Prifysgol y Flwyddyn ar gyfer Ansawdd Dysgu
(*The Times and Sunday Times Good University Guide 2019*)
- Ar y brig am Fodlonrwydd Myfyrwyr yng Nghymru a Lloegr (*ACF 2019*)
- Aur i Brifysgol Aberystwyth yn Fframwaith Rhagoriaeth Addysgu a Chanlyniadau Myfyrwyr 2018
- Yn y 3 uchaf am Brifysgol y Flwyddyn
(*What Uni? Student Choice Awards 2019*)
- Gwarant o lety yn y flwyddyn gyntaf
- Aelodaeth Blatinwm rad ac am ddim yng Nghanolfan Chwaraeon y Brifysgol os ydych chi'n byw yn llety'r Brifysgol
- Cartref Llyfrgell Genedlaethol Cymru
- Bywyd myfyriwr bywiog

Am ragor o wybodaeth, cysylltwch â:

Marchnata a Denu Myfyrwyr

Adeilad Cledwyn, Campws Penglais, Prifysgol Aberystwyth,
Aberystwyth, Ceredigion, SY23 3DD

Ffôn: (01970) 622065

E-bost: ysgoloriaethau@aber.ac.uk

Gwefan: www.aber.ac.uk/ysgoloriaethau



Fframwaith
Rhagoriaeth
Addysgu